



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

6tò. Prandium Christi cum Pharisæis & Legum peritis.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)



Et fratrum matrisque loco, quicumque fideles  
 Corde voluntatem Cœlestis Patris adimplent  
 Ex hac finali sacræque coronide, magni,  
 Quo Dominus quoscunque probos dignatur, am  
 Copia colligitur: Matri, quam totus amabat,  
 Assimilat cunctos, qui sunt ex corde fideles,  
 Hinc fidamus ei, qui talia signa paterni  
 In nos affectûs toties monstravit: & inde  
 Nunquam, fatalis dum nos vocat Arbiter ur  
 Mordicus hanc fragilem vitam retinere petam  
 Sed Patris amplexu freti conemur abire  
 Promptius, & solidam moriendo acquirere pace

POESEOS SACRÆ ET PARTIS SECUNDÆ  
 INDUCTIO SEXTA.

S. LUCAS CAP. II.

**E**t cùm loqueretur, rogavit illum quidam Phariseus, ut prand  
 ret apud se. Et ingressus recubuit. Phariseus aut  
 cœpit intra se reputans dicere, quare non baptizatus es  
 ante prandium. Et ait Dominus ad illum: Nunc vos Phari  
 sæi, quod deforis est calicis & catini, mundatis; quod  
 tem intus est vestrum, plenum est rapinâ & iniquitate &

SYNOPSIS.

**D**ominus & Salvator noster Jesus Christus, à quodam Phari  
 sæo ad prandium invitatus, inter comedendum Phariseorum  
 Legis peritorum, & Scribarum vitam & mores acerrimè  
 stringit; mensæque sublatâ, eadem ad populum concionem  
 reperit

**S**e gravibus plerumq; viri, qui vera loquuntur  
 Exponunt odiis: dum Christus amabile verum  
 Prædicat, assurgunt sermonis acumine puncti  
 In rabiem tacitam Scribæ, perguntque dolores  
 Conceptumque dolum blando prætexere vultu  
 Non secus aulæis domuum cariosa teguntur



Ligna, vel informis paries, rimisque pudendus.  
 Ex his unus erat Pharisei nomine clarus,  
 Sollicitans Dominum, secum pranderet: adeptus<sup>Luc.  
11.</sup>  
 Opportuna vafros culpandi tempora Christus  
 Annuit oblatis: sed cum pro more lavaret  
 Quisque manus conviva, suas mundare recusat,  
 Adjungitque: Viri, primò purgate profani  
 Interiora sacro cultu penetralia cordis.  
 O insensati! patinas calicesque studetis,  
 Ut niteant placeantque, foris purgare: sepulchra  
 Exteriùs splendent, licet interiora putredo  
 Occupet. Hæc equidem Phariseis convenit aptè  
 Mundities: externa quidem virtutis honorem  
 Prætendunt; sed si super interiora severum  
 Dirigis obtutum, vitiorum monstra videbis.  
 Hic injustitias, pingues amat ille rapinas;  
 Hunc regit ambitio, sanctus cupit ille videri,  
 Hic olus & mentham decimat, sed durus egenos  
 Negligit. Excelsas cupitis decorare cathedras,  
 Ornarique stolis, præferri cuique sedendo,  
 Inque salutando deponere culmen honoris.  
 O pudor! ô fallax simulati gloria veri!  
 Dura quidem, sed justa nimis correctio morum.  
 Iste tenor sermonis erat: sed nobile verum  
 Nullibi tuta potest habitacula figere; magno  
 Contemptu, quidquid verum justumque videtur,  
 Respuitur. Quidam discumbens Lege peritus  
 Respondet Domino: Non sunt tua dicta, Magister,<sup>Luc.  
11.</sup>  
 Vera salus animæ, sed atrox injuria: Christus  
 Hæc scioli temerè censentis jurgia digno  
 Reprimat affatu: Væ vobis! indicat illi,  
 Qui dorsum populi duplicatâ mole laborum  
 Intolerabilium premitis, nec tangitis ipsi



Articulo digiti gravitatem ponderis: ite  
 Ædificaturi cæsis monumenta Prophetis  
 (Quos eheu! Patrum vestrorum dira tyranni  
 Suttulit è medio) prisca mera signa pudoris!  
 Quippe perorabit cruor hic ex marmore vestro  
 Increpitando Patres; quorum vestigia sævi  
 Criminis hæredes scelerato tramite semper  
 Calcâstis: veterum notos exquirite fastos;  
 Et probra cujusvis, lectis annalibus, ævi  
 Explore! dies veniet, quo nulla cruoris  
 Guttula, quam Sancti fudère, manebit inulta.  
 Vindictam clamabit Abel, quem maximus ordo  
 Interfectorum, simili clamore sequetur.  
 Hunc claudet numerum Zachariæ sanguis ad  
 Effusus. Repeto, væ vobis Lege peritis! (ars  
 Per cunctas libuit fraudes impunè vagari,  
 Atque dolis aperire viam, licèt inclyta veri  
 Præstiterit vobis Juris prudentia claves.  
 Hic sciolus tacuit, caupo famosus honorum,  
 Defensorque mali, tacitâque infrenduit irâ,  
 Exspectando ferox vindictæ tempus, apertam  
 Si quam fortè daret veniens occasio causam  
 De nimis austero Domini sermone querendi,  
 Sed Dominus (veluti supremus montis Olympi  
 Vertex, qui nulla temeratus nube, malignis  
 Altior exurgit pluviis, spernitque ruentes  
 Sub pedibus nimbos, & rauca tonitrua calcat)  
 Continuo pergit Phariseos pungere vero;  
 Si fortassè metus, qui muto devorat ore  
 Conscia corda mali, convertere posset iniquos,  
 Non latuit Dominum reprobati cordis acerba  
 Durties; cujus scelerata protervia mater, (vit  
 Fœcundata nimis, quàm plurima monstra crea-  
 Hinc.



Hincque nihil superesse spei; quia spreta salutis  
 Gratia præteriit, Satanæque scelestus obedit:  
 Et licet angatur, redeunte subinde pudore;  
 Attamen in mediis ut Strongylos \*æstuat undis,  
 Nec videt in pleno radiorum lumine Solem,  
 Sed ruit hinc, illinc, Stygiis circumdatus umbris,  
 Dic quæ causa subest, cæcis accendere lumen?  
 Præmonstrare viam reprobatis? disce futura  
 Posteritas; persæpe, licet præsciverit Æther  
 Non fore frugiferum reprobis offerre salutem,  
 Hoc fieri: cur? fortè rogas; ut, quando furoris  
 Plena dies rutilat, cognoscat quilibet, illos  
 Non caruisse suo præmonstratore viarum,  
 Sed proprio reprobos miserè periisse reatu.  
 Lux indeficiens, summi Sapiencia Patris,  
 Æthereumque decus, Jesu dulcissime! noli  
 Cordibus humanis subducere lumina vitæ;  
 Ex quo mors animæ, mors terribilissima, certo  
 Omne subsequitur. Vah detestabile damnum!  
 Quod, licet in lacrymas totus vertatur Atlantis  
 Oceanus, tanto tamen irreparabile fletu,  
 Durat in æternum. Quam dum pronuncio vocem,  
 In venis rigido mihi stagnat frigore sanguis,  
 Cor negat obsequium motûs, spiramina sistunt  
 Pulmonum folles, dubium cum morte duellum  
 Anxia vita gerit. Si tot, quot sidera sudo  
 Apparent Cælo, lustrorum millia finem  
 Obtineant; nondum (quàm formidabile tempus!)  
 Inchoat æternum. Fratres, quemcunque dolorem  
 Finit longa dies, dissolvunt tempora curas;  
 Sed cum longa nimis careat duratio fine,

G 3

In

\* Insula, una Æolidum, perpetuò igne æstuans aliàs Strongylo dicta.



In rabiem totam spem desperatio vertit.  
 Hactenus æternum descripsimus Infernale;  
 Sed modò subjicimus breviter Cœleste, prior  
 Si censenda venit duratio sola, coævum.  
 Heu! quàm dissimili fatorum sorte beatos  
 Hoc; sed in æternum miseros facit illud: oportet  
 Alterutrum nostræ sit merces ultima vitæ.  
 Clauduntur gravibus Pharisæi prandia dictis;  
 Continuâtque suo Salvator munere fungi:  
 Instruit attentos, monitisque sagacibus infusa  
 Ut sibi provideant, Pharisæorumque recuse  
 Fermento spurcare fidem; quia grandis eorum  
 In speciem sanctos corrumpit hypocrisis actus  
 Cuncta revelabit lux opportuna, futuras  
 Sorte palàm variante vices; caligine tecta  
 Ducet in apricum Dominus, dum vertitur ordo  
 Vera loquor fratres; corvumne vocabo columbarum  
 Non docet hoc veterum Divina scientia legum  
 Sed scelerum nævos puris mundare lavacris.  
 Sunt fatui, qui pro certis incerta sequuntur,  
 Et qui pro dubiis, quæ sunt manifesta, relinquunt  
 Calliditas blandâ semper sub imagine ludit,  
 Promittitque favos, aloën infida parando.  
 Omortale lutum! quæ te dementia tardat,  
 Agnovisse tuæ momenta salubria vitæ?  
 Non decet athletam fidei, reboante malorum  
 Fulmine terreri: corpus jugulare valebunt,  
 Non rapient animam, cujus Cœlestis origo  
 Despicit insultus, fatique pericula spernit.  
 Expediit hunc Dominum summâ pietate veretur  
 Qui post elisos humani corporis artus,  
 Æternis animam potis est addicere flammis.  
 Hinc vigilate; Deus non vult, torpere veterum  
 Quos sibi delegit; sed curis atque labore

Luc.  
 12.



Excitat, & segnes veluti calcaribus urget.  
 De minimis est cura Deo, nil spirat in Orbe,  
 Sit res spreta licet, quod non specialiter acri  
 Respicit intuitu: nec vos opus Æthere natum,  
 Effigies Domini, genus immortale, relinquet.  
 Quisquis in hoc mundo sequitur mea iussa, meumq;  
 Humano coram cœtu profitetur honorem, Luc.  
 Hunc & ego coram Cœlesti Patre, sacrisque 12.  
 Spirituum turmis æquo profitebor honore.  
 Sed quicumque, meo despecto nomine, sanctis  
 Diffona dogmatibus sectati, sacra profanant,  
 His patet ad Stygias iter irremeabile pœnas.  
 Sum tamen in cunctos mitis, condono libenter;  
 Et si pœniteat lapsos, peccata remitto.  
 Sed qui Spiritui Sancto blasphema loquuntur Matt.  
 His scelus admissum nullo donabitur ævo. 12.31.  
 Vos super hoc verbo breviter mea Musa docebit: Luc.  
12.10.  
 Omnia Spiritui Sancto peccata resistunt;  
 Ast ea præcipuè, quibus obluetamur adeptis  
 De Cœlo monitis; \* ut sunt, *presumere* magnâ  
 De bonitate Dei, scelerumve licentiâ: & omnem,  
 Protinus abjectâ spe, *desperare* salutem:  
*Impugnare* Fidem, documentaque vera salutis:  
 Si fratres in pace Dei charitateque vivant,  
*Invidia* flammis uri: vel more Pharônis  
*Obdurare* Dei sacris cor vocibus: atque  
 De gravibus noxis *nullum sentire dolorem*  
 Contriti cordis. Sunt hæc delicta nefandis  
 Propria Dæmonibus, Stygiâque tegenda palude.  
 Prævideo multos, pergit Salvator iisdem  
 Insistens monitis, cum sit delator ubique,  
 Ad Pharisæorum Synagogas esse trahendos Matt.  
10.

G 4

Ac

\* Peccata sex in Spiritum S.



Luc. 12. Ac fora iudicii ; sed propulsate timorem,  
 Nec turbet vestram responsio danda quietem.  
 Spiritus Excelsi , qui congrua verba salutis  
 Omnibus inspirat , linguarum vincula solvet  
 Ex auditorum circumvallante catervâ  
 Luc. 12. Interpellato quidam sermone rogabat,  
 Ut jubeat fratrem nuper bona rapta parentum  
 Secum partiri. Christus, cui displicet omnis  
 Fervor avaritiæ, replicat, culpando rogantem:  
 Quis me constituit Rectorem juris & æqui,  
 Aut incompositas dirimendo solvere lites?  
 Subjungitque simul. Quidam prædives agrorum  
 Possessor multis terram vertebat aratris :  
 Hæc, tribuente Deo, fructu ditissima magnam  
 Promisit messem; dives pensabat onustus  
 Ancipiti curâ, quò transferat agmina frugum,  
 Cùm sua, quæ solitam cepissent horrea messem  
 Sint angusta nimis: demoliar horrea, dixit,  
 Ædificaturus granaria grandia; lætus  
 Comportandorum super ubertate bonorum.  
 Jam bene subsistam, dapibus mea mensa scatebit  
 Sæpius eximios epulabimur inter amicos,  
 Exultando canit: sed mens circumflua luxu  
 Displicuit Domino; quapropter dixit eidem:  
 Stulte, quid insanis? subitis nox passibus instat  
 Quæ desiderium, studiûmque infringet habendi  
 Et quis, sollicito quæ sunt congesta labore,  
 Quod gemit in cistis aurum, successor habebit  
 Larga voluptatem generat fortuna, voluptas  
 Stultitiam: vetitos illi labuntur in actus,  
 Qui nimium affectant. Cur ergò superflua quæro  
 Et, cùm sufficiant cyathi, cur dolia tanto,  
 Immemor obsequii Superûm, conamine sector?